



參寥子詩集卷第十

續許元裕夢中

作

許奉議失幼子甚慧方悲惱中卧於北窻下遂夢為詩覺而記其兩句云未可病中

鷲老去會須花底喚春歸語甚美而元裕意其子他日必復生俾余續之

北窻支枕夢幽微
隱隱神明發暗機
未可病中鷲老去
會須花底喚春歸
琉璃雖破彩雲飛
演慶高門未易衰
既有嘉祥能兆夢
定須他日產熊羆

次韻聞復湖上秋日六言

十首

澤畔蒹葭蕭瑟露華落日珠浮撫事少陵多感萬端獨立懷憂
禪餘偶登絕巖據石聊為欠申眼界謾分畦畛誰知大道無憐
楚客當年何苦愁懷繚轉非舒賴有管城公子離騷萬恨能書

西湖發揮有素最盛唯誇樂天遺愛到今不朽長堤一道如弦
處士尚餘陳迹斷碑橫卧林塘婉約梅花秀句騷人萬古傳香
草蔓行將潰茂菊英稍稍敷金南浦愁窺去燕海山莽蒼雲深
江城秋至幾日風物斗覺淒涼隣女機絲何有夜聞促織悲傷
人物年來衰謝背繩追曲周容嗟爾得時蠅蝶故能嘲哂龜龍
涼月娟娟清媚舒光巧入簾櫳萬籟聲同比竹細窺一一空中
可恠狙公巧黠猶迷暮四朝三老我身如枯朽瓦然不動幽品
觀宗室趙明發使君所畫訪戴圖并二小詩因次其韻
水石追摩詰風騷類小山每來窺二妙戀戀欲忘還
巉絕千峰玉清妍五字詩曾中盤奩氣彷彿幾人知

次韻樓試可承議見招

東州羈旅迹誰親夫子端能給我貧默識松筠霜後操靜桃看李
夢中春蒿陽勝絕高天下縣令風流邁古人待得芳菲開爛熳
去隨行樂後車塵

次韻秦少游學士

觀宗室大年觀察所
畫江干晚晴圖四首

數幅生絹上形容萬態心坐窺天下勝何用遠登臨
漠漠雲披岫斑斑雨弄晴橫江舟一葉注目使人驚
陽秋閱肝膈無處見微茫時作丹青戲風流冠帝鄉
參差山接野渺莽水連空笠釣沙頭客真宜避世翁

春陰

浮雲易作雨無端未放春泥十日乾須信杏園憔悴煞從來花
骨不禁寒

次韻伯言明發登西樓望桃花

江南梅子已生人京國桃花始放春氣候不齊雖可恨一枝猶得見牆闌

小樓西望那人家出屋香梢幾樹花只恐東風能作惡亂紅如雨墮窻紗

送伯言赴姑蘇上幕

都城公子海賢否良難會從容翰墨場班班知所詣超然三四公詞學昔人配源流出蘇黃汲引功豈細斯人固才華氣節復遠邁一官從幕府未覺簿書礙投刃却覓行岸中依物外凝香久寂寞清絕令可繼初辭廣陌塵笑鼓春江柁楚岫與吳山相望挹空際莫唱渭城歌臨流增歎喟

贈歐陽季默承議

先公跨箕尾搖曳旋天關於今二紀餘肯復來人間時時對遺編彷彿窺一斑夢寐思見之何從暫追攀近來都城裏忽覩庭中蘭方寸實蘊喜典刑思^斯可觀抱疴一榻上骨瘦清琅玕為余設幽几氣兒徐以寬微詞落玉塵文彩真孔鸞棣華惜未識妙譽聞朝端先公德未泯四海共仰歎願言付百世清風嗣門闌

次韻劉廷中廷直見贈

劉郎世胄子苦學窮淵源羞為一掬清欲効千丈渾君看長鯨質澗壑豈所存操觚妙述作斧鑿無纖痕鍾牙不出世審音誰復論鷓鴣理勁翻雲漢思孤鶩上追鸞皇游下棄燕雀喧建安誇七子壯氣君可吞九衢苦昏霾槐陰蔽重門良辰為我飯滿

案餘芳祿軟語夜達旦未覺罷神魂須知名教樂不羨富貴尊
酬劉巨載舍人見贈所畫山水扇

冰紈玉粉淨無塵墨妙扶踈更絕倫試問揮毫底人物不言從
可識天真

觀明發畫李賀高軒過圖

唐年茂宗枝時平多俊良長吉尤震曜春林擢孤芳退之於孔
門屹屹真棟梁筆力障百川風濶息其狂破衣繫麻鞋右顧生
輝光一朝與混革命駕驚煌煌賀初為兒童隨父事迎將須臾
命賦詩英氣加激昂長安衆詞客聲問爭推揚風流垂異代尚
想古錦囊君今亦宗英韻勝斯人方少年肯事事苦學志獨強
風騷擬屈宋妙處相韻韻丹青出戲弄配古猶擅場形容示往

事彷彿如在旁一徑入幽遠古垣繚林莊平橋跨淥水叢薄舍
葱蒼晴憲為披拂佳興杳難忘

次韻東坡居士過嶺

一時遷客盡難堪二老高懷默自甘造物定知還嶺北暮年寧
許喪天南安排拄杖尋廬阜斗數征衣洗瘴嵐他日相逢長夜
語殘燈飛燼落甃甃

次韻代嶺上老人答

閑持箕帚掃崔嵬夾道松陰盡我裁人去人歸真一笑壞空成
住互輪回

次韻子由侍郎書事二首

七年依嶺外遇物即仿閑宿負初償畢他生豈復還飄飄疑鶴

骨爽爽靄童顏自許喬松壽玄機密鑰關
真材不易得於國實長城造父還能御驂騑
室為計老餘生居士來何晚江淮遣候迎

次韻世可見訪峻極遇雨

都塵城土倦茫茫獨喜西來策甚長避暑禪房
依允爽可人溪雨作清涼飛蚊斗絕簷間
乳燕時拳砌下篁縣令風流真晉客談餘
玉麈自揮揚

揖仙亭

崧陽古今尹製錦誇妙手鳴絃對高堂坐使
風俗厚政成思考槃觴豆宴賓友開亭面
緱嶺佳致昔未有雲煙靄葱隴青壁冠
星斗王子果真仙揖君千載後鸞車駐
縹緲彷彿容暫偶天風

吹簫笙淒響落戶牖紛紛驚坐客往往為
回首相顧勿復言且進杯中酒

次韻試可同遊法王嶽寺

兩山脩徑盡榛蕪謾詫當年幸翠輿空觀
宸文藏寶楫不逢納子詰真如寺久無長老
林深想見靈根茂地勝宜多隱者居涼月
照人歸路好傍溪嘉樹影扶疎

次韻試可喜雨

東阡北陌久黃埃天遣神龍詎用媒雲似
濤頭山半起雨如銀竹望中來奔翰澗谷
時頽岸噴激龜魚或曝顛民物有秋真可
喜池蓮從此更須栽

峻極夏夜

廣庭無凡株鬱鬱兩佳樹扶疎饒美蔭盤錯根本固朝披菜
風夜法衣上露禪餘自循繞百匝未忍任月華中天來左右發
暉素清景非人間冷然洗吾慮緬彼大梁下炎蒸毒朝暮朱門
曉未開馬足已馳驚推眉事權要幸彼一瞻顧素標挿君頭擾
擾獨不悟

觀宗室曹夫人畫

野水平林渺不窮雪翻鷗鷺點晴空洞房豈識江湖趣意象真
將造化同

華屋生知世胄雄榮誰教天付與多能西風白草牛羊晚隱見橫
岡一兩層

臨平山下藕花洲旁引宮河一帶留雨棹風帆有無處筆端須

與細真搜嘗許作臨
平藕花圖

次韻陽翟尉黃天選見寄

寓形宇宙間佚我方以老流光安足恃百歲同過鳥項余嬰網
羅文彩緣自表自古山林人何曾識機巧但記寒蟲翁論心秋
月皎黃香十年舊學術參衆妙虛懷養天和肯徇奔走開官居
職事理晨起何用早桐陰滿西齋叱吏供洒掃眷余東南來野
飯煮芹藻先生既清尚令尹亦高蹈相將古寺行軟語頽晚照
公家有疇人虛緣能自葆卜築嵩山陽行當從結好山中饒勝
境一覽未易了何時命中車共陟雲外嶠翻愁筋力疲不隨進
勇蹕公詩擬南山雄拔千丈峭形容逼真解后滴其要藩籬
吾未窺敢議窮閭奧

次韻試可嶽祠祭土宿齋

神祠齋館卧耽耽五鼓星河屢起瞻
劍珮森森趨帝右衣冠肅肅奉宸嚴
風傳遠壑松千樹人擁回廊月一簾
四嶽旌幢初會散晨烏聲動廟竿尖

贈宗室德強團練

造物賦象質於余頗能名瓊瑤琢其骨
冲和擅其清公生華屋貴好學從妙齡
才高豈容過卓然以文鳴厚德滋善養
雍容無暫矜區區草莽人未必真爾能
家藏三萬軸挿架連屋楹牙籤示題目
探賸手不停微言固澹泊嗜好如鉛錫
祖宗開鴻基累聖致太平說說既蕃衍
綽綽亦見稱裕陵喜人物教率從典刑
聯翩試文藝議論參公卿公材實杞梓
落落非杉檉願言勤著

書會當補朝廷他時樹勲業彝鼎信可銘

秋聲

古槐花落小中庭夜半風來捲葉鳴
潁水先生如尚在呼兒應問此何聲

次韻天選寄道遠庵黃居士

收得詞場舉子身拂衣高卧傍嶙峋
休言白日壺中勝且看紅顏鏡裏春
富貴群爭雖有路山林獨往豈無人
恐君未識陶彭澤故約籃輿訪采真

次韻試可同謁子晉祠

古栢連岡三萬株朝煙破日翠扶踈
投鞭下馬得幽徑共謁賓天帝子居

遺榮少海猛無雙便逐浮丘出帝鄉可笑而今居富貴亦思高
舉上蒼蒼

哭少游學士

江左有豪英超驥世無倫妙齡已述作識造窮天人儒林老先
生相與為友賓客來叩治亂疊疊披霜筠波瀾與枝葉猶足誇
後塵青衫入仕初十手爭扶輪孤朝可敵衆志鬱不得信造物
念流落存收付洪鈞干將不許就中畫如有神七年投炎荒日
與山鬼隣妻孥各異土相望同參辰秋風吹黃茅八月瘴霧新
回車嬰重癘惇惇無與親中原尚杳隔墳隴懷棘薪淒涼浯水
頭魂逝歸無因精爽竟了了挽章見情真流傳到京闕悲讀聞
縉紳斯人儻不亡光華國之珍彼蒼未易曉三歎鼻酸辛

念子少年日豪氣吞九州讀書知笑奧游刃無全牛當時所獻
策考致第一流輪高追賈誼氣勝凌馬周勝理非空文灼可資
廟謀危根易搖動謂子不好脩嗚呼一齊人奈彼衆楚咻孔門
餘四科士豈一律求區區事屠釣崛起為公侯數竒信有命君
亦忘怨尤平生所著書字字鏗琳球子道決不泯千載傳芳猷
瓶盃客京口彷彿熙寧末君方駕扁舟歸來自蒼雪中冷忽相
值傾蓋忘楚越禪揮龐老鋒辯鼓子貢舌連宵極名談江閣倚
清絕扣檻出龜鼉時取一笑發金山江中多龜扣欄即出宵客常以為戲刊溝介淮海
濟濟多俊傑良辰苦招要結好從此設堂堂紫髯翁道德冠前
烈謂孫羊老龍圖風流廣文先烟烟事脩潔謂閻求仁博士老禪魁叢林冠蓋
趨雜還謂慶顯之禪師三豪相繼往墓木葉屢脫子今復云亡枯槁愈

殘缺相逢舊好間
悲詫那忍說明年
東下船繫纜竹西
月茗奠蜀岡南
彈指當永訣

參寥子詩集卷第十

參寥子詩集卷第十一

寄王晉卿都尉

主第眈眈冠北城
位居侯伯固尊榮
肯將踏月趨朝脚
來伴穿雲渡水行
池上紅蕖應漸老
山中紫筍尚抽萌
崧陽迤邐灑川原
勝聞說它時卜釣耕

與田承君宗丞話舊

赤日下西谷
松門歛餘暉
蕭蕭征馬鳴
客子來者誰
故人田子方
六月并州歸
崎嶇千里道
問子來何為
君命不誤駕
詎敢辭炎曦
禪庭梵唄歌
軟語同逶迤
梧桐挂涼月
清潤含裳衣
人生實萍梗
同附一渺瀰
驚風或暫先
波定還相依
昔我在南兗
識君英妙時
軒軒勇氣節
凜凜如熊羆
聲名固已早
時命殊淹

遲今茲向魏闕驥足將騰夷聖君隆至治諫諍求瑕玼嘗聞至
人語子可補拾遺一言開堯聰四海風俗移無為外重失蹇諤
當自持贈言古者事吾豈忘前規

登嶽頂呈試可邦直

偉哉中國擅五嶽岳巍巍崑崙高據其尊四時百辟盡朝會雲幢煙
蓋來追奔自餘衆阜何足數擾擾羅列真兒孫秋霖乍開原野
淨隆曦破海浮朝曠淵明曠達不事事勝日結客遊山樊山腰
下馬躡風磴杖屨詰曲躋巔屹窻經玉女猿鳥寂石漱飛瀏鳴
潺湲長松吟風和哀響肌膚凜粟淒神魂行窮絕頂已晡側雲
煙為我開餘昏昂頭玄天驚尺五星斗歷歷俯可捫超然擬與
人世絕彷彿有路通崑崙洛陽奇峰三十六領略併入一眼吞

平生方寸喜壯觀茲游氣豁殊軒軒二豪詞筆有餘地請賦傑
句留山巔風流便可付千載歐梅尹謝相與傳

送王彥齡承務還河內

武陵王郎高韻度鞍馬四方無定住眼逢泉石便吟哦唾珠
璣不論數代亦悠悠事不羈浪萍風梗隨安之少室山前古蘭
若邂逅便與同襟期興來岸嘖一長嘯清聲激越穿雲嶠竹林
故事獨未泯人物如君高亦調秋風獵獵促鳴蟬歸路千山入
馬鞭白袍烏袖宜圖畫不羨襄陽孟浩然

寄宗室周臣觀察

帝胄天孫多茂良似公人物更難方詩書自負青雲器風月能
收古錦囊料斗雷文陳几席鱗衣蟻食耀杯觴都城邂逅傾遲

素崧少歸來一夢長

題宗室公震防禦畫後

錯莫江雲結暝陰歸飛宿翼半浮沈
毫端領略無遺種想見雍容物外心

兼葭照雪含餘潤古木攙天氣老成山谷不來居士死何人為子一題評

同趙伯充防禦觀東坡所畫枯木

經綸志業終不試晚歲收功翰墨林
偶向僧坊委陳迹每經風雨聽龍吟

蕭然素壁倚枯枝行路驚嗟况所思
惆悵騎鯨天上去却來人世恐無期

大年觀察許作從駕出南薰門雪霽圖因以詩督之

南薰門外照初陽寶馬珂鞍從玉皇
千丈雪雲開遠野萬枝瓊樹闢新粧
筆端妙處君先得老去閑情我未忘
乞與山林資翫好高懸素壁爛生光

與廖明略學士賦餘干縣白雲亭一首呈吳明府

白雲翔太虛時來傍孤城超然此榮觀
常恐鸞鶴迎能賦自疇昔騷人遺典刑
嗣人竟有屬異代逢淵明揮毫無停綴
臨流有餘清光風轉洲渚爽氣生軒楹
况復廖常州吐辭皆正聲豈予浪續貂
坐想徒搖旌

賦王立之承奉園亭

大裘軒

經綸志四海齟齬不得申大裘縱千丈姑覆洛陽春

載酒堂

子雲草玄時載酒客常滿君今慕若人竹戶誰來款

漱醉亭

潭潭百尺井汲引鳴飛瀾鷲回午醉客一漱齒頰寒

介菴

一庵容宇宙介意安在哉珍重庵中人空洞無纖埃

頓有亭

君家十亭觀棊置宛相望是中富墨妙偉哉蘇與黃

亦愛亭

扶疎蔭佳木五月風來徐淵明方偃卧亦自愛吾廬

永日亭

長安貴富人歲月馬上遷岸巾怡永日心事獨翛然

求定齋

南華鑑止水炯然見須眉夫子果能定物豈逃妍媸

冷然齋

虛室晝生白清風襲衣屨圓蒲燕坐人冷然欲仙去

賦歸堂

王郎英妙年功名固堪勉浩然賦歸歟持操真可羨

送慈義偈師遊嵩少

道人家住錦溪頭衣袂常含爽氣浮偶踏塵埃經北闕却尋雲
水過西州冰銷陰壑蘭芽動柳岸長條春意柔少室峰前無異

路莫將陳迹苦追求

東坡先生挽詞

造物周千載真材得豫章經綸等伊呂辭學過班揚德厚傾蠻
貊名高震虜羗數竒終不偶難與問蒼蒼博學無前古雄文冠
兩京筆頭千字落詞力九河傾雅量同安石高才類孔明平生
勲業志鬱鬱閔佳城少年持國論不羨洛陽人抗疏忘機旣
危言駭搢紳丹衷那有謂康濟在斯民竟謫江湖去端居寂寞
濱初復中原日人爭拜馬蹄梅花辭庾嶺甘溜酌曹溪梁木傾
何速椿年竟不齊靈輻向崧落行路亦悽悽一時英俊附門墉
兄弟從來號兩龍雄辯未饒端木賜題評肯下郭林宗精神烟
烟風前鶴操節稜稜雪後松無復勝游參杖屨追雲弄月更雍容

群鷲投老竄炎荒瘴雨蠻煙豈易當燾氣內全真自葆鐵心無
動亦何妨海山出處憑誰共蜚叟追隨樂未央準易著書人不
見微言分付有諸郎

羽扇綸巾擁帥權高才大蠢拂雲煙初聞父老誦嘉語綽有風

流似昔賢定武人謂公下車
施設宛如韓魏公謫籍數年居瘴海功名無分勒燕然

空餘雪浪齋中石留與邗人萬古傳

當年吳會友名緇大覺海
月辯才盡是人天大導師拔俗高標元自悟

妙明真覺本何疑籃輿行處依然在蓮社風流固已衰它日西

湖吊陳迹斷橋隄柳不勝悲西湖新隄六
橋皆公所創

德政從來主意寬奮髯時怒豈容奸僮達大事能談笑未必風

流劣謝安

我冠正笏亡談叢凜凜群鷲國士風却戴葛巾從杖屨直將和
氣接兒童

大河當日決澶淵橫被東徐正渺漫城日結廬親指顧敢將忠
義折狂瀾

文登五日召公歸海市奇觀與願違已蟄魚龍能再起人間異
事古來稀

西湖卷對拓漪連十里橫吞碧玉天自謂前身真白傳傳至今陳

迹尚依然公平生出處多與樂天同樂天在杭治湖葉堤為政十六箇月公亦如之

臨淮大士本無私應物長於險處施親護舟航渡南海知公盛

德未全衰鄒至完言在小嶺外嘗聞人傳慧州太子方君家人素奉佛

當去谷日八日去矣後果如期公得命移儋耳至完始未信後過方君問之信然

畫圖雖不上凌煙道德芬芳滿世間遠鶴已歸東海去烈仙風
骨若為攀

孔子韶万平與其姪處度相訪於香山作此詩以贈之

洙泗芬芳遠高材尚可求勝二難俱韻深小阮更風流語款時容

接詩豪未易酬平生喜人物邂逅此相投

孔平子書閣所藏石菖蒲

寒溪之濱沙石之竇產此靈苗蔚然而秀有美君子採持而歸
文石相并滄涵清漪根盤九節霜雪不槁置之幽齋永以為好

送處度賦起

異哉曲阜幾世孫白玉受性良且温詩書禮義祖家學擾擾
自餘何足論良辰往往尋吟諷遠壓曹劉攀屈宋肯與齊梁作

後塵秋月春花姿朝弄我方杖策過西州
拍點雲山結勝游已有詔書催去興
豈宜泉石更淹留征車曉送登長陌
月沒參橫河漢白期君安穩上龍門
不怕臨流遭點額

次韻李端叔題孔方平書齋壁

萬事年來即罷休心縈雲水尚追求
草堂早晚投君宿紙帳蒲團不用收

菊叢稍稍敷金蘂蒼麥芄芄放雪花
榆柳繚牆蒼靄密誰知中有隱人家

白頭幕府尚崎嶇南畝歸休盡早圖
漁上山川要佳句安排風月待相如

舍南舍北盡雲山此處躬耕有底難
社飲難豚好鄰里一盃相

屬百憂寬

馬蹄逐逐走埃塵官府寧容自在身
夜宿南溪孔居士青燈相對話悲辛

愛君簷外蕭蕭竹翠幹扶疎一樣齊
莫道此君無俯仰驚風墜雪亦須低

端居終日少逢迎佳客時來一座傾
不見諸郎事絃篋幽窻唯有讀書聲

肝膽未應分楚越高曾元共水雲鄉

方平五世祖避亂居錢塘

愛君善作離

騷語清馨殊非俗肺腸

仲尼道德高千古老子微言冠百家
餘澤風流俱擅美邇云玉

樹倚蒹葭

吾黨從來跡易親只緣同是箇中人
漁川魚鳥渾相識來往沙頭肯厭頻

行歌亭 孔寧極先生所居

自古山林浪得名欲要人爵謾逃形
唯餘漁上行歌者獨免移文勒戶庭

先生本自負經綸志在立園世莫親
不信請看門下客盡為金

馬玉堂人

故相范忠宣韓持國滕達道王仲儀諸公皆禮節甚厚

嘗聞箕穎卧菜田振蕩高風冠九州
欲識當年孔寧極依稀堪與若人儔

漁川勝氣藹蔥蔥遠訪先生舊隱風
閱禮敦詩見猶子故知餘澤未終窮

次韻孔處度李禁期同游汝陽城西等慈寺溪堂

汝陽介崧洛郡邑古且幽出郭纔數里
招提據清流十章鬱古木中有百尺樓
循梯到朱欄眼接萬象游二豪俱才華
筆力深九牛佳辰同覽眺高懷肯悲秋
軒渠發笑語遠亂鷺鳧平生讀書要取用
不假鈎想當援毫初應手如見投挹子
明月光冷然洗吾倅

次韻方平見寄

黃花弄色近重陽山菜紅藜迥得霜
節物撩人興不淺交情如子味何長
終期霧豹極崑穴且作賓鴻寄野塘
它日西湖能過我胡麻供飯煮芹香

寄題南陽劉氏松堂

南陽自古誇雄都山川淑氣無時無中間豪傑相間出卧龍光
武興王圖有唐昌黎百世士布衣奮起為師儒風流異代骨雖
朽餘澤尚可濡焦枯劉郎先子挺奇質志業文史稱鄉閭詞場
較藝一不售掉頭便卜溪山居朋雲友月終歲事挾冊教子猶
區區青松寸根手自植氣槩今已凌兀株虬髯龍甲拂天籟颺
若風雨來江湖悲哉孝思論罔極新構永與甘棠俱西州騷人
競與賦盛事相詫無賢愚績貂自昔人所誦詩成出神增躊躇
同韓子蒼游黃山觀約高壽朋張公碩不至
駝裘躍馬去翩翩一舍逡巡箭脫弦仙事未須窮傳記勝游聊
為好山川穿林絡石蘊寒瀏縹白縈青對篆煙悵能文二三
子操觚安得共周旋

子蒼見和二篇再用前韻酬之

涉世伊余實強顏傷弓困翼尚驚弦論文已失李太白採藥
行尋葛稚川請置黃公新石此山新出歸磨潘子古松煙幽窻寫
就經綸志它日風雲去翰旋

次韻王潛翁題王孝孫所藏摩詰聽松圖

輞川奇趣固難評眼裏瞳人要自明落落信為霜後操蕭蕭
那慮世間聲忘言我已輸三士妙曲渠寧羨九成此去黃塵沙
漠底時曉開匣觀余清時孝孫有
塞上之行

游葉城韓氏東園

曾臺累榭蔚相望古木連雲出繚牆可但陶朱能計略須知
猗頓亦材良松風菊露滋清夜焚舞吳歌共宴觴好在諸郎俱

挾冊起家儒述術未應忘

過張公碩廷直息軒

公碩乃張施州仲謀子此軒實黃魯直名之

涪翁六藝學力可當萬人施州亦英特文武備一身風味真韻
頑宛然喜相親詩壇嘗屢戰妙譽傾縉紳涪翁往播遷風義頗
凋淪施州奮不顧伏臘調且勤霜雪槁群木凜然見松筠施州
歸夜臺遺編照青春嗟我獨不識覽卷徒悲辛有子紹門戶飄
飄氣方振能文得父風作語殊不陳流源日疏鑿豈易量涯津
結廬依通衢隔墻開蹄輪頽然小軒上息偃全天真男兒功名
志蠖屈終一申誰能効急急俛仰車馬塵涪翁為子名高意
庶可循

參寥子詩集卷第十一

參寥子詩集卷第十二

靜舍與蔡秀如承事會話

浮雲無根蒂合散不可拘忽然隨高風千里各須臾吾生共天
壤出處良亦如憶昔淮水濱與君傾蓋初翹翹兩弟昆文彩照
冰壺門闌本世胄折節勝寒儒扁舟倚高岸為我飯已蒲清談
落塵塵鄙吝驚掃除一別今四載相忘寄江湖竭來過汝穎吊
舊投生竊黃緣訪山水歲晚倦回車蕭蕭古寺底彷彿日已晡
聞君戶外音倒屣迎前趨胡為乎來哉吏牒頗馳驅高材困所
役何似林間樗清寒凜敗屋極齟齬焚枯株胡床坐相對氣兒溫
以舒明朝各異縣那得同蘧廬無煩歎離索且盡一笑娛

贈耿純叔秘校二令姪

高門知積慶堂上有諸郎禮樂非童子詩書見義方經營羞弱
羽騰踏羨飛黃富貴由勤苦五車安可忘

讀子蒼詩卷二首

蜀國奇男子能文到古人淳源稽大雅妙曲和陽春節物驚搖
落僧坊斷四隣看君新著述時與短檠親
大冊雄文未許窺百篇先讀海陵詩疲鴛伏櫪空驤首飛兔流
星作麼追

贈賢上人

恒山道人棄妻孥壞衣祝髮從浮屠圖愛纏欲網豈易脫慧劍割
斷真須史飄然雲水出鄉國力學生死來來都心猿意馬就羈
束肯逐萬境爭馳驅回看舊事真一夢清渭濁涇良自殊楚山

歲晚俄邂逅雪屋對語依圓蒲勸子南游下吳越小航短棹尋
西湖我家住處湖岸北如椽翠竹森千株竹間扣扉試訪我定
有猿鶴聲相呼

次韻高壽朋殿直喜雪

俄頃風雲變物華撒鹽飛絮鬪輕花只應陋巷無貧者玉戶瑤
階共一家

挾風穿箔打窻紗窻裏人看窻外花噴玉流珠君豈羨從來自
是五侯家

壽朋乃宣
仁曾孫

書中正已秀才所藏雀竹圖後

荒園古澗雪溟濛細竹枯條共一叢寒雀喧飢正無賴輸他孔
翠食樊籠

樊籠得食暫時優，身世經年類楚囚。
何似東阡與南陌，暖風晴日恣遨遊。

過韓氏莊登小閣

繚牆千堵氣雄深，小構亭亭出數尋。
刈穫一空雲水白，闌干注目見遙岑。

玉秀蘭芬好弟兄，昆時來挾冊視田園。
困場古木千章合，彷彿秦人避世材。

鄭元規秀才內樂庵

陳叔易命名

內樂名庵誰所擇，澗上文人題榜額。
想見風流庵內人，定匪紛華域中客。
紆朱懷金何足誇，簞食瓢飲真生涯。
了無憂患到心境，得失雞虫良可嗟。

李榮期秀才杞菊軒

草木助盤飧，紛紛固多品。精英唯竹萌，香軟獨楮菌。
杞菊於其間，甘清有餘韻。達人忘口體，道德自滋潤。
天隨與東坡，風味實相近。窮通均一致，了不見喜愠。
春苗共採擷，秋英配蘭紉。後先屬文詞，金聲而玉振。
李子妙窮經，屢遭有司擯。奔軍未去怯，再舉當決陣。
開軒植杞菊，澹泊守定分。回頭語世俗，未用誚飢困。
二豪勉躋攀，孔聖故許進。長卿亦何人，區區能慕藺。

寄潘仲升秀才

漢唐誇汝南，豪傑不勝數。山川有靈蓄鬱鬱，久不吐。
迺來見潘子，秀色實眉宇。是家賢伯仲，學術本鄒魯。
他時俱特立，肯與澹等伍。浪為葉城游，邂逅得晤語。
異鄉逢歲晏，越鳥思南舉。江湖

結後期細與論今古

次韻方平送李南仲赴試春闈

四溟鳧鴈集天池十日先看俊翺飛養氣有餘吞大敵窮經無
繆識玄微塵埃舊服辭阿錫雨露新袍授楚衣拜命還家春尚
好桃花流水漲漁磯

劉福老長官佚老堂

淵明未掛冠志已蹈方外何時辭五斗散髮從傲睨閑中氣味
好至樂無與對黃香識君心機事勸早計古來軒冕事端受外
物制有如纏蔓瓜詎肯脫根蒂一朝秋風至零落蘓潰潰佚老
得天和晚景期百歲超然閭里間高風邈難繼

贈權上人兼簡其見高致虛秀才

豫草山川足靈氣天與四時滋萬彙翹然雙幹秀一門儒釋殊
科道無異一操經術游廣文一事瓶盂尋祖意功名生死兩俱
徹論報君親各無愧上人餘力擅風騷三昧何妨間遊戲窮愁
肯學郊與島高瞻已能追晉魏文章妙處均製饌不放臙酸傷
至味少陵彭澤造其真運斤成風有餘地眉陽老人文所宗此
語得之吾敢秘斯君向上踏玄關奔逸絕塵那可跂

孫傳師密學挽辭

淮海衣冠盛門闈占一時朝廷矜棣萼人物得熊羆暫倚軒裳
貴還隨舟壑移新阡埋玉樹黃霧慘餘悲玉畿初作邑終日坐
鳴絃雅量能知變平戎在未然裕陵俄識拔鵬路遠騰騫二十
年間事淒涼付逝川逸氣凌崧華高標藹播紳經綸真漢將談

笑卻胡塵白首遭微譴青雲阻要津功名關造物一語未能陳
伯仲持哀日余方傾蓋初炷香翻貝葉酌茗飯園蔬一作刊溝
別空傳桂嶺書升堂揖遺像回首意何如

孫志甫主簿挽詞

彼美荆岑玉斯人實可倚眉間見和氣皮裏識陽秋夫子常稱
德蓬山素並游一官雖不壽撫已亦何羞君乃莘老龍圖之弟
梅子明學士之友
萬學誰如子窮經志亦勤干將曾未試寶氣已沈淪天遠終難
問眉酸謾自顰佇瞻蘭玉秀哀及墓中身

次韻張敏淑工部題郭殿直遠趣軒

高棟曾軒何用為此軒須小景無遺惜當麥壠堆青日不見波
濤卷雪時眼底衣冠多邂逅曾中貴賤少參差郭君善問君卜
人倫

築隋隄上幾見春光上柳絲

蒙泉堂

百尺蒼崖底蒙泉自我名瀟涵滋造化汲引絕虧盈珀石甃深仍
固朱欄小易成慙慙中夜月長與照澄明

八月十七夜夢中作

夜半秋江不見人翠荷辭出露華新江神水仙來共飲一掬遺
我生精神

哭休上人

從來疑造物無處識其真好月難終夕名花不盡春青燈空照
室蠹謾遺中泣血怜慈母悲酸動四隣

濠隱堂

雅構何幽眇真宜邃隱名朝雲半峰秀夜月一簾明終歲塵痕
少無時爽氣新清炷香翻貝葉安穩老餘生

寧川西寺水閣呈周格非承議

岩堯畫棟與雲平一派寒流玉鏡清三島勝形方足擬千鈞筆
力始能名鷗翻翠靄光中去山倚朱欄靜處橫令尹政閑勤把
酒風流未減謝宣城

僧首然師院北軒觀牡丹

鳥聲鳴春春漸融千花萬草爭春工紛紛桃李自撩亂牡丹得
體能從容瑤欄玉砌昇曉日輕薄煙霧初真蒙深紅淺紫忽爛
熳如以蜀錦羅篋中姚黃貴極未易覩綠葉護藏深叢露華
膏沐披正色肯事天冶分纖穠從來品目歷天下百卉羞澁莫

敢同清淨老禪根道妙即此幻色談真空上人封植匪玩好庶
敬先烈存遺風遨芳公子應未耳且樂樽俎怡歌鍾

用法穎韻寄信上人

懷素高閑世罕追君今端與若人期龍蛇落紙驚飛電心手相
忘豈所思驤子袖駒天與俊朝燕暮越足難羈超然遠作雙溪
別肯學紛紛兒女悲

昌化雙溪堂呈府簽判德茂宣德

吳會溪山揔可憐此堂雄覽獨能全銀河兩派來天上黛色千
峰落檻前樵斧聲沉蒼靄裏釣竿人立白鷗邊多才李賀知無
敵妙句行者陋衆妍

用法穎韻寄詵上人

吾生出處異周顒
後鶴休鷲蕙帳空
木笥薦盤非世味
胡麻供飯古人風
時翻貝葉千行偈
戰勝詩魔五字功
杖屨僮來償素約
與君同盡此生中

山中書事

身世從來薄所營
晚歸丘壑更忘情
隨眠煩惱何曾有
無樹菩提本不生
布襪青鞋供我老
月溪沙路恣經行
細炊雲子齋厨飯
要配香芹碧澗羹

次韻孔天瑞秀才見寄

雙溪秋色最關情
想見登臨爽氣生
木落草枯山自瘦
潦收沙白水偏明
眼中舊事煙雲散
篋裏新書早晚成
來歲如今好時節
看君高步躡鵬程

聽天竺慧照師琴

太古淳音久已虧
多君妙指善醫治
高山流水意雖在
白雪陽春和者誰
不放鷲颺侵澗戶
只容明月侍簾幃
滿堂賓客俱傾耳
共失芙蓉漏轉時

寄伯言明發

御城東畔聽鳴珂
公子當年為我過
論議凜然無兩可
文章妙絕具三多情
親意合方傾倒
雲散風流欲柰何
儻附南鴻寄消息
吾今蹤跡闕崑阿

過玉師室觀雪川范生梅花

桃李韻麗俗江梅
清獨妍幽姿
有時覩如揖
姑射仙從來丹青手
默數三四賢
徐熙擅江左
趙子名西川
中間復誰何
絕特推

老邊風流迨茲泯范子俄超然
迺知茗雪勝秀氣常回旋斯人
非畫師勢利不可鷲興來即揮
毫游戲三昧前一枝豈易得
谷子能拳拳橫斜有餘態
肌粉含霏煙我來玩几席歎
賞徒留連恨無處士詩二妙
相並傳

處順齋

生前不用驚毀譽身後何須
千載名處順安時真曠達本
無哀樂動幽情

贈聖可證師

吾道日凋喪末流殊可嗟
師門互開闢學者如泥沙
欲求超然姿駑駘搜渥洼
洼子初為兒童岐嶷衆所誇
長能游學海宛轉窮津涯
誰知蓬蒿底忽覩挺生麻
白來挈瓶盂同我棲煙霞
朝昏

事禪悅神觀靜不譁子今未
三十涵養滋根芽行看覺苑
中綽現優曇花

次韻通守楊叔豐大夫游狼山

朱輪千騎擁郊垆政暇尋山
固有名眼接青蒼心已喜身
經曠野路充平潮吞浦淑渾
如海蜃吐煙雲謾作城欲訪
真仙迷紫府空端依約步虛
聲

吳楚封疆一望間時平無事
可相關樂天標致原元非俗靈運襟
懷本愛山蠟屐斜穿橫嶺上
角中相對野僧閑扁舟却恨
南來晚勝事風流不預攀

過都監趙思正崇班容膝庵

公子居閑厭華屋一官江海
辭羈束端能有志學淵明數
板垣

墻營小築榜名容，膝雅所宜寄傲南。
臆聊自足祖宗承，平逾百年曾緒蕃。
衍如雲煙敷詩閱，禮不勝數人物似。
君尤卓然論文講，孰未易料虛已下。
士常折旋憶昔初，逢大梁下風味白。
人如倒屣若遭後，鶴從還山回首相望。
鷲百舍誰言江路渺，雲濤一舸春風重命駕。

酬王衮臣朝奉見贈

吾聞終南山鬱第，參斗牛其下多賢豪。
學術貫九流，公生實異稟。氣奪河漢秋，
妙齡升廣文。岐嶷壓上游，登科三十年。
仕宦真悠悠，功名信有命。富貴豈力求，
迹來居海上。未解鍾義囚，高懷素聞道。
對客忘呶嘍，相權固傾倒。不可即掉頭，
今我來自東。邂逅欣綢繆，新詩激謬懦。
詞力勁且適，恍如開武庫。左右森戈矛。

便當偃旗鼓，罷戰為良謀。與公從道遙，放浪追子休。

觀宗室伯山司戶詩卷

參軍暫輟簿書忙，為我聊開古錦囊。
玉骨已能含秀氣，珠璣那解不輝光。
王孫挾策真難事，妙質如君豈易量。
它日酬書天祿閣，聲名端可繼劉郎。

次韻思正雨中偶興

招提岑寂古城隈，海雨江風日日來。
但覺園林芳意盡，不知紅紫為誰開。
花飛南陌渾空柳，綠染中庭半是苔。
有客衝泥能過我，筍輿馳褐夜深回。

酬趙存道都曹見贈

騷人久無聞風雅，日浸衰汀洲。
空蘭芷憔悴無芳姿，參軍妙述

作鮑謝相並馳明珠不自耀光彩悶陸離那因五斗粟暫寄東
海湄官身雖薄領游刃能一麾寥寥古寺空轉砌春日遲開關
時却掃寂寂下書帷唐虞悉觀覽百氏了不遺論文慎許可紀
律嚴自持昨朝發新詠落語皆瑰竒世無楊德祖詎識黃絹詞
次韻思正游南寺賞牡丹

贈思正令子

堪愛君家小鳳雛炯然眉日照冰壺他年足逸詩書圃翰墨場
中千里駒

思正挈家游張氏園有詩俾余次韻

邦人莫訝氣如虹生長皇家富貴叢陶寫華樽俎外吟哦風物
笑談中伶倫奏曲千般巧錦綵纏頭一樣紅琴瑟獻酬還可樂
牽衣兒女復相同

維揚秋日西郊

雨洗高梧爽氣浮鳴蟬相喚作新秋翻空白鳥一行去目送岡
巒欲盡頭

瓜花零落豆花繁秋入隋家舊苑看水調遺音今寂寞空餘壞
道瀉哀湍

潦水初收古澗清小橋斜倚數魚行神林社日傳蕭鼓秋稼如
雲歲有成

枯榆偃蹇若蒼龍影占荒郊半畝宮下有牧羊雙稚子卧吹蘆

參寥子詩集卷第十二

參寥子詩集明刻本余向亦有之若宋刻本於數年前曾聞池上書堂有之然未之見也此來家事櫻心置買書籍頗不易非特宋刻書日少一日即有之而余收書之力亦日難一日也遷居縣橋以來葺小廬屬南雅庶常題曰百宋一厘日坐其中檢點古刻成一簿錄謂之百宋一厘書目蓋余好書之心不因力歉而稍衰焉余友陶君蘊輝雅善識古并檢知余之所好在古刻昔余所收者大半出其手茲復以宋刻參寥子詩集相示索值白銀三十金余亦無如之何勉購以增書目之光云尔世行本向傳有二以法嗣法頴編者為勝此其是也惜余明刻本尋訪未得無從證其同異至于卷端序文雖係鈔補而以貴與經籍考證之當不謬若以為此

序是餞參寥禪師東歸序而非高僧參寥集序是并
通考而昧之妄足與論古哉
嘉慶歲在癸亥閏二月望後一日堯翁黃丕烈識

戊午秋日徐紹乾手校一過



